



UNIVERSITÄTS-
BIBLIOTHEK
PADERBORN

Universitätsbibliothek Paderborn

Divo Dionysio Et Sociis Ejus Martyribus Hymnvs

Santeul, Jean de

[S.l.], 1670

Fument Sabaeis templa vaporibus ...

urn:nbn:de:hbz:466:1-13456

Turbata Templi conscia Sanctitas.

Hæsit Sacerdos territus hostiâ,

VERBUM filebat. Quot sub illâ

Alta Dei latuère pompâ!

Anus, Sacerdos, Virgo, Puer, Senex,

Testes beati! sancta Sodalitas!

Fulsère terris hâc sub horâ

Hospitibus Loca sancta divis.

Fument Sabæis templa vaporibus.

Succedit aris jam nova victima,

Se Natus offert par Parenti

Quis Sacra non violanda turbet?

Longè recedant impia pectora,

Fastus, malarum totque cupidinum

Portenta: simplex, ecce pura,

Pauper, inops, sine dote Virgo.

Nos mente purâ sponte litabimus,

Et corde sancto, moribus integris:

Casti Sacerdotes nos vicissim

Ritè sacris faciemus aris.

Illustret aras splendidior FIDES,
Accendat ignes flammea CHARITAS,
Fundatque divinos odores
Innocuæ bona fama vitæ.

Sub mole parvâ corporis allicis
Nos CHRISTE, fontes, mollis adhuc puer
Succensâ cœlesti liquefcant
Cerea tunc tibi corda flammâ.

AD JACOBUM MARESIUM

CLERI GALLICANI

Designatum Procuratorem Generalem.

Vides, MARESI, carmine splendor,
Puro tot Hymnos, nocte sub horrida,
Quos longa corruptæ premebat
Barbaries tolerata linguæ.

Aures laceffunt, & male consonis
Templo indecentes cantibus exprimunt
Rifus; putasne imperitos
Ad strepitus, Superos moveri?